

ЎЗБЕКИСТОН ХАЛҚИГА ЯНГИ ЙИЛ ТАБРИГИ



Азиз ватандошлар!
Жонажон диёримизга янги – 2024 йил кириб келмоқда.
Мана шу шуқуҳли дамларда дуоғўй отахон ва онахонларимизни, меҳрибон опа-сингилларимизни, барча соҳа ва тармоқлар вакиллари, азму шижоатли ёшларимизни, чет эллардаги қадрли ватандошларимизни – кўпмиллатли бутун халқимизни ушбу қутлуғ аёйём билан чин қалбимдан самимий табриқлайман.
Муҳтарам дўстлар!
Албатта, ҳаёт бор экан, унинг ютуқ ва қувончлари, ташвиш ва муаммолари ҳам бўлиши табиийдир. Аммо инсон ва халқ ақл-заковати, ҳалол меҳнати, мустақкам иродаси билан ҳар қандай синовлардан муносиб ўтишга қодир.
Шу маънода, 2023 йил эл-юртимиз учун қут-баракали ва омадли келди. Энг муҳими, юртимизда тинчлик-осойишталик, турли миллат вакиллари ўртасида дўстлик ва ҳамжиҳатлик ҳукм сурмоқда.
Тарихимизда биринчи марта умумхалқ референдуми асосида янгиланган Конституциямизни қабул қилдик. Келгуси тараққиётимизни белгилаб берадиган «Ўзбекистон – 2030» стратегиясини амалга оширишни бошладик.
Кўплаб нуфузли анжуманларни юқори савиёда ўтказдик.
Халқаро майдонда муҳим ташаббусларни илгари сурдик.
Барқарор иқтисодий ўсиш суръатларини сақлаб қолишга эришдик.
Республикамизда юқори технологик замонавий саноат қорхоналари, логистика ва инфратузилма тармоқлари, боғча ва мактаблар, маданият ва спорт объектлари барпо этилди. Янги-янги иш ўринлари очилмоқда. Шаҳар ва қишлоқларимиз обод бўлиб, аҳоли ҳаёт даражаси юксалиб бормоқда.
Биргаликдаги меҳнатимиз туфайли Янги Ўзбекистон орзуси реал ҳақиқатга айланмоқда. Барча эришган ютуқларимиз учун сиз, азиз ватандошларимизга чин дилдан миннатдорлик билдираман.

Муҳтарам дўстлар!
Инсон қадрини улуғлаш, аҳолимиз манфатларини таъминлаш, бунинг учун кучли иқтисодиёт барпо этиш бизнинг асосий вазифамиздир. Шу мақсадда 2024 йилни мамлакатимизда «Ёшлар ва бизнесни қўллаб-қувватлаш йили», деб эълон қилдик.
Янги йилда иқтисодиётимизга хорижий инвестицияларни жалб этиш, тадбиркорлик ва хусусий мулк учун кенг имкониятлар яратишни янада кучайтирамиз. Илм-фан, инновация, IT каби соҳаларни, «яшил» ва рақамли технологияларни ривожлантиришга алоҳида эътибор қаратамиз.
Янги иш ўринлари ташкил этиш, аҳоли даромадларини ошириш эътиборимиз марказида бўлади. Иш ҳақи, пенсия, стипендия ва нафақалар миқдори кўпайтирилади. Хотин-қизлар ва нурунийларни, ёрдამга муҳтож инсонларни қўллаб-қувватлашга алоҳида аҳамият берамиз. Ижтимоий соҳалар ривожини мулақо анги босқичга кўтарамиз.
Ватанимиз мустақиллигини мустақкамлаш, Куролли Кучларимиз жанговар салоҳиятини ошириш устувор вазифамиз бўлиб қолади.
Муҳтасар айтганда, янги ҳаётни, Янги Ўзбекистонни барпо этиш учун бор куч ва имкониятларимизни тўлиқ сафарбар этамиз.
Қадрли ва муҳтарам ватандошларим!
Сизларни Янги йил байрами билан яна бир бор қутлаб, барчангизга сийҳат-саломатлик, оилавий бахт, хонадонларингизга тинчлик ва файзу барака тилайман.
Ҳар бир оила, ҳар бир маҳалла, бутун юртимиз фаровон бўлсин!
Ўзбекистонимизни Яратганининг ўзи па-ноҳида асрасин!
Янги йил барчамизга мубарак бўлсин!

Шавкат МИРЗИЁЕВ,
Ўзбекистон Республикаси Президенти

Ўзбекистон Республикаси Президенти Матбуот хизмати сурати.

ЎЗБЕКИСТОН ХАЛҚИ ВА ПРЕЗИДЕНТИГА ЯНГИ ЙИЛ БАЙРАМИ МУНОСАБАТИ БИЛАН САМИМИЙ ҚУТЛОВЛАР

Хорижий давлатлар, парламентлар ва ҳукуматлар, халқаро ва минтақавий ташкилотлар раҳбарлари, таниқли жамоат ва дин арбоблари Ўзбекистон Президенти Шавкат Мирзиёев номига кириб келаётган 2024 йил муносабати билан самимий табриқлар йўлламоқда.

Қутловларда мамлакатимиз етакчиси раҳбарлигида Янги Ўзбекистонни барпо этиш йўлида ортага қайтмас тус олган ислохотлар дастури муваффақиятли амалга оширилганга қайд этилган. Мамлакатимизнинг прагматик ташқи сиёсати юқори самара бераётгани, бунинг натижасида юртимиз халқаро нуфузи юксалиб бораётгани таъкидланган.

Хорижий ҳамкорлар Ўзбекистоннинг кўп миллатли халқига фаровонлик, янги муваффақиятлар, тинчлик-осойишталик ва раванқ тилакларини изҳор этмоқда.

Ўзбекистон Республикаси Президенти Шавкат Мирзиёев Жаноби Олийларига

Хурматли Шавкат Мирмонович!
Янги йил байрами муносабати билан самимий табриқларимни қабул қилгайсиз.

Яқинда Москвага амалга оширган расмий ташириқингиз Ўзбекистон билан Россия ўртасидаги кенг қамровли стратегик шериклик ва иттифоқчилик муносабатларининг мустақкамлигини тўлиқ тасдиқлади, ўзаро манфаатли ҳамкорликнинг янги йўналишларини белгилаб олиш имконини берди.

Келаётган йилда ҳам конструктив мулоқот ва турли соҳаларда истиқболли икки томонлама лойиҳаларни амалга ошириш бўйича биргаликдаги ишларни, МДХ, ШХТ ва бошқа кўп томонлама ту-

зилмалар доирасидаги саъй-ҳаракатлар мувофиқлаштирувини давом эттиришимизга ишонаман. Бу, ҳеч шубҳасиз, давлатларимиз фуқароларининг туб манфаатларига мосдир, Евроосиё маконида хавфсизлик, барқарорлик ва фаровонликни таъминлаш мақсадларига жавоб беради.

Сизга, хурматли Шавкат Мирмонович, оилаңгиз аъзолари ва яқинларингизга мустақкам соғлиқ, бахт-саодат ва муваффақиятлар, дўст Ўзбекистон халқига эса тинчлик ва раванқ тилайман.

Хурмат билан,

Владимир ПУТИН,
Россия Федерацияси Президенти

Ўзбекистон Республикаси Президенти Шавкат Мирзиёев Жаноби Олийларига

Хурматли Шавкат Мирмонович!
Кириб келаётган янги 2024 йил муносабати билан самимий табриқларимни қабул қилинг!
Сизга соғлиқ-омонлик ва қардош Ўзбекистон халқи фаровонлиги йўлида янги муваффақиятлар тилайман.

Қосим-Жомарт ТОҚАЕВ,
Қозоғистон Республикаси Президенти

Ўзбекистон Республикаси Президенти Шавкат Мирзиёев Жаноби Олийларига

Хурматли Шавкат Мирмонович!
Сизни кириб келаётган янги 2024 йил билан чин дилдан му-боракбод этаман!

Яқунланаётган йил Қирғизистон – Ўзбекистон муносабатларида жадал ривожланиши йўли бўлди. Учрашувларимиз натижасида келишувларга эришилди ва қўшма лойиҳалар амалга оширилмоқда.

Ишончим комилки, қирғиз-ўзбек дўстлиги ҳар қачонгидан ҳам мустақкам бўлади, яқин муносабатлар ва ўзаро қўллаб-қувватлаш кучайиб бораверади.

Биргаликдаги саъй-ҳаракат-

лар билан Қирғизистон – Ўзбекистон муносабатлари бундан буён ҳам қардош халқларимиз манфаатлари йўлида мустақкамлашиб бориши ва изчил ривожланишига ишонаман.

Хурматли Шавкат Мирмонович, Сизга мустақкам соғлиқ, бахт-саодат, масъулиятли давлатчилик фаолиятингизда катта муваффақиятлар, қардош Ўзбекистон халқига эса тинчлик-осойишталик, фаровонлик ва раванқ тилайман!

Хурмат билан,

Садир ЖАПАРОВ,
Қирғиз Республикаси Президенти

Ўзбекистон Республикаси Президенти Шавкат Мирзиёев Жаноби Олийларига

Қадрли Шавкат Мирмонович!
Кириб келаётган янги 2024 йил муносабати билан самимий табриқларим ва энг эзгу тилақларимни қабул қилгайсиз!

Яқунга етаётган 2023 йилда Тожикистон – Ўзбекистон яхши қўшничилик, стратегик шериклик ва иттифоқчилик муносабатларида ижобий ривожланиш суръатини сақлаб қолганимизни таъкидлашдан мамнунман.

Бугун биргаликдаги изчил саъй-ҳаракатлар туфайли Тожикистон ва Ўзбекистон муносабатлари биродар халқларимизнинг туб манфаатларига мос ҳолда ҳамкорликнинг турли соҳаларида янги амалий мазмун билан бойимокда.

Бунга кўп жиҳатдан ишончга асосланган мунтазам мулоқотимиз, мамлакат-

ларимиз ўртасидаги олий ва юқори даражадаги доимий алоқалар хизмат қилмоқда.

Бўлажак 2024 йилда Тожикистон Республикасига ташириқингиз қўшни мамлакатларимиз ўртасидаги давлатлараро мулоқотларнинг конструктив ривожланишига сифат жиҳатидан янги суръат бағишлашига қатъий ишонаман.

Янги йил арафасида Сизга, хурматли Шавкат Мирмонович, чин кўнғилдан мустақкам соғлиқ, бахт-саодат ва янги муваффақиятлар, биродар Ўзбекистон халқига эса тинчлик-осойишталик, фаровонлик ва раванқ тилайман!

Хурмат билан,

Эмомали РАҲМОН,
Тожикистон Республикаси Президенти

Ўзбекистон Республикаси Президенти Шавкат Мирзиёев Жаноби Олийларига

Муҳтарам Шавкат Мирмонович!
Қабул қилинг.
Сизга мустақкам соғлиқ, бахт-саодат ва барча ишларингизда катта муваффақиятлар тилайман.

Янги йил барчамизга тинчлик, фаровонлик ва раванқ олиб келсин!
Хурмат билан,

Сердар БЕРДИМУҲАМЕДОВ,
Туркменистон Президенти

>>> 2

МУРФАК ҚАЛБЛАРГА ЁРУҒЛИК, ЯХШИЛИК, ИШОНЧ ОЛИБ КИРГАН БАЙРАМ



Пойтахтимиздаги «Тошоша» болалар театр-студияси биносида «Президент арчаси» тантаналари бошланди

Болажонлар интиқлик билан кутадиған ушбу байрамга Меҳрибонлик уйлари тарбияланувчилари, меҳр-эътиборга муҳтож болалар, шунингдек, ота-онаси Ватан сарҳадларини ҳимоя қилиш йўлида қурбон бўлган ҳарбий хизматчиларнинг ўғил-қизлари тақлиф этилди.

Байрам доирасида Мактабгача ва мактаб таълими вазирлиги томонидан Меҳрибонлик уйлари, оилавий болалар уйлари, «SOS – Ўзбекистон болалар маҳаллари» уюшмасининг болалар маҳаллари, махсус мактаб-интернатларнинг тарбияланувчилари ва ота-она қарамогидан маҳрум бўлган болалар учун 11 минг дона махсус совға тайёрланди.

...Байрам ва тантаналар авжнда. Кимдир расмга тушади, бошқа биров Қорбобо ва Қорқизга ҳайрат

билан тикилади. Яна кимдир ўзи тайёрлаган шеъри, кўшиғини айтади, шунингдек, жажжи иштирокчилар учун махсус театрлаштирилган томоша тақдим этилди. Бу байрам болалар қалбига ёруғлик, яхшилик, ишонч ва умид олиб келгани аниқ.

Тадбир якунида кичкинтойларга «Президент совгалари» топширилди.

Айтиш керакки, «Президент совғаси» таркибига Ўзбекистон Республикаси Президентининг болаларга йўллаган Янги йил байрам табриғи, ширинликлар, канцелярия маҳсулотлари, смарт соат ва бошқа тўхфалар киритилган. Шунингдек, жорий йилда Меҳрибонлик уйлари, Оилавий болалар уйлари, «SOS – болалар маҳаллари», «Меҳрли мактаб»нинг 12 ёшдан катта бўлган 1600 нафар тарбияланувчилари учун совғалар

таркибига планшетлар киритилди.

25-28 декабрь кунлари Қорақалпоғистон Республикаси, вилоятларга «Uzbekistan Airways» акциядорлик жамияти самолётлари ҳамда ҳудудий Давлат йўл ҳаракати хавфсизлиги бошқармаларининг кузатувлари остида махсус автотранспорт орқали етказилди. Маълум сабабларга кўра байрамга кела олмаган болалар учун совғалар маҳаллий ҳокимликлар, секторлар, Миллий гвардия ва вазирликнинг ҳудудий бўлимлари вакиллари томонидан уларнинг уйларида борган ҳолда тантанали тарзда топширилди.

Мамлакатимиз бўйлаб «Президент арчаси» тантаналари давом этмоқда.

ЎЗА



Ўзбекистон Соғлиқни сақлаш ходимлари касаба уюшмаси Республика кенгаши

Юртимиз ақлини, шу жумладан, эл саломатлиги йўлида сидқидилдан хизмат қилаётган тиббиёт ходимларини Янги йил байрами билан самимий табриклайди.

2024 ЙИЛ

ҳаммага саломатлик, оилавий хотиржамлик, рўзгорларига баракот, шунингдек, яхшилик ва хурсандчилик келтирсин. Халқимиз саломатлиги йўлидаги масъулиятли ишлари билан туну кун хизмат қилаётган авиз соҳа ходимларига ҳамisha зафарлар ёр бўлсин!

2024

ЎЗБЕКИСТОН ТРАНСПОРТ, ЙЎЛ ВА КАПИТАЛ ҚУРИЛИШ, ҚУРИЛИШ ИНДУСТРИЯСИ ХОДИМЛАРИ КАСАБА УЮШМАСИ РЕСПУБЛИКА КЕНГАШИ

Азиз ватандошларимизни ва соҳа ходимларини Янги йил билан самимий қутлайди.

Ватанимизнинг гуллаб-яшнашига ўзининг муносиб ҳиссасини қўшиб, осмонўпар уй-жойлар ва замонавий иншоотлар қураётганлар, барча хайрли ишларингизда омад ёр бўлсин. Янги йилда муваффақиятлар эшиги янада очилиб, ҳамisha юзингиз ёруғ бўлсин! Қалбингиздан қувонч, дастурхонингиздан қут-барак ва оилангиздан шоду хуррамлик асло аримасин!

2024

«САЎХАТ САРИ» УНИТАР КОРХОНАСИ МАЪМУРИЯТИ

Меҳмондўст халқимизни, шунингдек, касаба уюшмаси тизимида ишлаётган барча ходимларни

2024 ЙИЛ

билан қутлайди.

- ★ Юрtdошларимизга тинчлик-хотиржамлик, яхши кайфият ва мустаҳкам соғлиқ тилаймиз.
- ★ Янги йилнинг байрам шукуҳи йил давомида ҳамроҳингиз бўлсин!

2024

«ТОШКЕНТ УНИВЕРМАТИ» акциядорлик жамияти жамоаси, бошқаруви ва касаба уюшма қўмитаси

Янги йил билан баргангизни гин қалбдан табриклайди. Юртимизни, кўнглимизни, хонадонимизни янги йилдаги байрамона кайфият ҳег қагон тарк этмасин!

2024

Қалбимиздан, ширин-хотиралар билан кетаётган ушбу йилда кўрган яхши кунларимиз остонамизда турган янги йилда бардавом бўлсин. Илоҳим, саломатлик, оиламизга бахт, омад, тинчлик, хотиржамлик улашсин!

ЯНГИ ЙИЛ МУБОРАК БЎЛСИН, АЗИЗЛАР!

